

حقوقی بيلکيلر مجموعه سي

هر آي صوکنده نشر اولنور

JURISPRUDENCE

اجتهادات مجاکمه

اعلام صورتی

استانپول ایکنجی مقرره محکمه سندره :

قرار تاریخی ۲۱ شباط ۹۲۷

قرار نومروسى $\frac{927}{91}$

خلاصه : اولجه اوروپا به کیتش اولان برکیمسه نک اموالی ، اموال متروکه دن اوله مایه جنی کبی بوبله برلنن و بهانه به مستنداً جهت مالیه دن بو کبی اموال غیر منقوله اشترا و تفرغ ایدن کیمسه حسن نیت ادعاسیله صاحب حقیقینک دعواسنی رد ایده من .

ایجاب کیفیت لدی المذاکره مدعی قالوست ولد سرکس کلبنکیان افندی و کبی اسماعیل صدق بکک اموال متروکه اداره سنجه مؤکلی فراری عدایدیلرک عهده تصرفنده بولنان استانپول بانجه قبوسنده آرباجیلر سوقاغنده کائن سلامت خانی نامیله معروف بر باب خان و تختنده واقع ۱۲ ، ۱۴ ، ۱۶ نومرولرله مرقم مغازه و دکان وینه بوغاز اچنده بیوک درده پیاسه جاده سنده کائن ۲۸ نومرولو بر باب محترق ساحلخانه عرصه سی وینه بک اوغلنده ایاس پاشاده جامع شریف سوقاغنده واقع ایکی قطعه عرصه به وضع بد و ضبط ایله مزایده به وضع ایئتس اولدیغندن اول امرده نتیجه محاکمه به دکن مزایده نک تأخیرینه و مداخله واقعه نک منعیله یدغیر محقق رفعی طلیله دفتر دارلق علینه و مذکور سلامت خانی بالمزایده عهده سینه احاله قانمش اولان جیل بکک مذکور خانی اشغالی فضولی اولدیغندن یدفضولینک رفعی حقنده مومی الیه جیل بک علینه و مذکور خان مشتملاتندن اولان اجزا ده بوسنک اشغالندن دولایي جهت مالیه جه کبرا تحصیلنه تشبث ایدمک صورتیله واقع اولان مداخله نک منعی طلیله مرکز اجزا تورک آنونیم شرکتنک اموال متروکه علینه اقامه ایلدکری دعوالرک توجیداً اجرا قلنان محاکمه سی نتیجه سنده منع مداخله طلب و دعوی ایدیلن و موقعلری ایله نومرولری دعوی عرفخالنده ایضاح اولنان املاکک مدعی قالوست ولد سرکس کلبنکیان افدینک عهده تصرفنده بولندینی مبرز تصرف سنداتی صورت مصدقه لریله و مومی الیه قالوست افدینک اعلان حریتی متعاقب پارسه

عزیمت ایلدیکی پولیس مدیریتدن بیلدیرلمسی اوزرینه املاک مذکوریه وضع ید ایدلمش ایسه ده سلامت خانئ نامیه معروف خان ایله تختمده کی ایکی باب دکانک لمزایده بدلی سکر سنه تقسیطله استیفا ایدلمک اوزره یوز آتمش بیک طقسان لیرا بدل ایله ۱۵ مایس سنه ۹۲۶ تاریخده جیل بکه احاله ایدلدیکی ومذکورخانه ۱۷ مارت سنه ۹۲۶ تاریخده وضع ید ایدلمش اولمسنه وایخیراً نشر اولنان قرارنامهک (ج) فقره سنه توفیقاً آلنان برنجی تقسیطک ردی ایله استیفا ایدیهلک دیگر تقسیطلرک متصرفک ویا وکیلی نامه جیرو ایدلمسی مایه وکالتندن استیدان اولدینی سبق ایدن استعلامه جواباً اموال متروکه مدیریتدن ورود ایدن ۲۹ تشرین ثانی سنه ۹۲۶ وفی ۳۱ کانون ثانی تاریخلو تذکره لردن آکلاشلدینی کی مومی ایله قالو-ت افندینک فراری اولوب اولدینی پولیس مدیریتدن استعلام ایدیهلرک جواباً آلنان ۲۸ آغستوس سنه ۹۲۶ تاریخلو تذکره مومی الیهک اوتوز سنه اول آوروپایه کیتدیکی وپسپورط استحصال ایدلیکنه دائر قید بولنه مدینی بیلدیرلمشدر .

مدعی قالوست افندینک یکریمی اوتوز سنه اول آوروپایه کیتدیکی ضابطهک بروجه محرر اشعاریه محقق اولوب او تاریخدن اعتباراً بوراده بولنان املاکئی وکیلی معرفتیه اداره ایتمش اولمسنه وتاریخ عزیمتمده پسپورط استحصال ایتدیکنه دائر قید بولنماش اولسی کندوسنک فراری ومتغیب عینی واملاکی حقنده اموال متروکه قانوننک تطبیقی انتاج ایدمه مکله برابر ذاتاً وضع ید تاریخنک ۶ آغستوس ۳۴۰ تاریخندن مؤخر اولسندن طولایی جهت مایه جه املاکنه مقدما واقع اولان وضع ید معامله سنک یولسر اولدینقه قناعت حاصل ایدیهلرک بدلنک اعاده سنه تشبث ایدلمش بولمسنه و ۱۳ حیزران ۹۲۶ تاریخلو قرارنامه دخی ۹ آغستوس ۳۴۰ تاریخندن صکره اموال متروکه یه وضع ید ایدلمه سی وضع ید مؤخر ایسه املاکک اصحابنه ویا وکیللرینه اعاده ایدیهلجی وشاید صاتیلمش ایسه اصحابنه بدل میبعک تأدیه اولنه جفی واصحابی بوکا موافقت کوستر- مه دکلری تقدیرده احکام عمومی قانونیه توفیقاً حکم استحصال ایلک اوزره محاکم عانده سنه مراجعتده مختار بولدقوری مصرح اولمسنه کوره مومی الیهک سالف الذکر املاکنه واقع اولان مداخلهک وبونلردن بالمزایده جیل بکه بدل معلوم مقابنده احاله ایدیلن سلامت خانه عاند احاله معامله سنک غیر قانونی اولدینی شوصورتله تظاهرایتمشدر. مذکور خان عهده سنه احاله قلنمش اولان جیل بک وکیللری مؤکلرینک حسن نیتله

مزایده به بالا اشتراك تفرغ و تفوض ایلدیکی خان کندیسندن استرداد و ملکیتک شو
 صورتله ابطالی قانون مدینک ۹۳۱ نجی ماده سنه یوقاً جائز اوله میوب مدعینک حق
 آنجق بدله تعلق ایده جکشی و ذاتاً مدعینک و کیلی جهت مالیه به بالمراجعه بدل مییی
 طلب ایتک صورتله مالیه به اجرا قلنان معامله به اجازت و یرمش بولندیفنی آیان ایلش
 ایسه لرده بر بیع و فراغ معامله سنک صحیح و معتبر اوله بیلمسی ایچون بایع و فارغک
 صایلان ماله مالک و متصرف اولسی مشروط اولوب حادده جهت مالیه نک جیل بکه
 صاعش اولدیفنی خانه مالک اولمدیفنی بوجه حرر تحقق ایلسنه و قانون مدینک ۹۳۱ نجی
 ماده سی طاپوسجیلده کی قیده حسن نیتله استناد ایدرک ملکیت اکتساب ایدن بر کیمسه نک
 بوا کتساب نک معتبر اولسی قانونک مواد متعاقبه سنده کوسترلدیکی وجهه مطلق اولمیوب
 از جمله ۹۳۳ نجی ماده ده حقلی بر سبب اولمقسزین یاپیلان بر تسجیل و یا تسجیلک تعدیل
 و یا ترقینی ایله حقاری خللدار اولان کیمسه قیدک ترقینی و یا تعدیلنی ایسته بیله جکی
 و حسن نیت صاحبی شخص ثالثک تسجیل ایله اکتساب ایلدیکی حقار و ضرر و زیان
 ادعالری نک باقی اوله جنی مصرح بولنسنه و مذکور خان اساساً طاپوسجیلجه مدعی قالوست
 افدینک عهده سنده اولوب بونی اموال متروکدن ظنیه مزایده به وضع ایدرک مداخله ده
 بولتان جهت مالیه به قارشی متصرفی استحقاق دعواسنی اقامه ایلش و محکمه به تأخیر
 اجرا ایچون مذکره تسطیر قلمش ایکن شو دعوایه و متخذ تأخیر اجرا قرارینه رغماً
 مزایده به دوام ایدلک صورتله احاله سی اجرا قلنان مذکور خانی شرائط مبسوطه
 دائره سنده تفوض ایدن جیل بکک قانون مدینک ۹۳۱ نجی ماده سنه استنادی شایان
 قبول اوله میه جفته و مدعینک و کیلی طرفندن سبق ایدن مراجعت و طلب املاکک اعاده سی
 مرکزنده اولدیفنی بالاستعلام آلتان تذکره و مربوطی مندرجاتیه تعین ایدوب جیل بک
 عهده سنه اجرا قلمش اولان احاله معامله سنه اجازتی تضمن ایده جک بر حرکتک و قوعی
 تحقق ایده مه سنه کوره مدعینک سالف الذکر اموال غیر مقوله سنه جهت مالیه به واقع
 اولان مداخله نک منعه و جیل بک عهده سنه احاله ایدلش اولان سلامت خانه کلنجه
 مومی الیه جهت مالیه به تأدییه ایلدیکی مبالغی علی الاصول طلب و استردادده مختار اولوق
 اوزره مذکور خان قیدینک مدعی قالوست افندی نامنه تصحیحه و خانک مشتملاتندن
 اولان اجزا ده بوسنک اشغالندن طولانی سرکز اجزا تورک آنونیم شرکتندن کیرا

تخصیصه جهت مالیه جه تشبث ایدلمکده اولدینی مبرز اخبارنامه لردن آکلاشلمقدمه ایسه ده خاتک اموال متروکدن اولدینی جهته متصرفی عهده سنه تصحیح قیسی لازم کلنجه جهت مالیه جه بونک برقسمنک اشغالدن طولایی مستأجر لردن کیرا طلب واخذینه صلاحیتی قالیه جفندن اجزا شرکشدن کیرا تخصیصه تشبث صورتیسه واقع اولان معارضه نکه ده منعه و مصارف محاکمه نکه مدعی علیهمایه عأدیه قابل تمیز اولمق اوزره فی ۲۱ شباط سنه ۹۲۷ نارینخنده وجاهاً و متفقاً قرار ویریلرک تفهیم قلندی.

فی ۳ مارت سنه ۹۲۷

[اصابتی درکار و اسباب موجب سنک قونی آشکار اولان بو اعلامده نظر دقتی جالب اولان جهت شودر: محکمه اموال غیر منقوله مبحوثه نکه مزایده سنک تأخیرینه قرار ویردیکی حالده بوتأخیر اجرا قراری دوائر عأده سنجه نظر اعتباره آلمانمشدر؛ بونک جمهوریت تورکیه سنده ممکن اوله بیله جکینی دوشونمک بک وجدانخرایش برواقعه در؛ حقوقی فکرلرده وکالت جلیله نکه و دوائر عأده سنک نظر دقتی جلب ایدلمشدر. غ. ف.]

محکمه تمیز برنجی حقوق دأره سنده:

اعلام تاریخی ۲۸ مارت

» نومروسی ۲۷۶۸

خلاصه: استهلاك جزای نقدیلرینک تحصیل اموال قانونی موجبنه استیفا ایدیلرکجه دأره بر حکم قانونی موجود اولماسنه و جزایه حکم ایتک حتی محاکم جزاییه نکه صلاحیتی داخلنده بولونماسنه بناءً مالیه نکه اول امرده استهلاك جزای نقدیلری ایچون محاکم جزاییه به مراجعتله حکم استحصاله مجبوریتی وارددر.

بک اوغلنده مشروطیت محله سنده آفتاب سواقاغنده مرادبک آپارتماننک ۲ نومرولو دأره سنده مقیم بغوص عجم بالیان ولد آندون افندیکنک استانبول ولایتی دفتر دارلنی علینه بر قطعه استهلاك ویرکوسی اخبارنامه سی موجبنه کنديسندن غیر قانونی اوله رقی الی لیرا مقطوع جزای تقدی ایله نقصان ویرکو مقداری اولان بیک ایکی لیرا یتیش یدی غروش که جمعا ۱۰۵۲ لیرا یتیش یدی غروش طلب ایدلمکده اولدینندن بوضورتله وقوعبولان مداخله نکه منعی طلیله اقامه ایلدیکی دعوانک اجرا قلنان محاکمه سی نتیجه سنده: